

VACCINAZIUN CUNTER COVID-19

Infurmaziuns per crescids cun ina malsogna cronica e per persunas a partir da 65 onns

Patis Vus d'ina malsogna cronica?

Avais Vus 65 onns u dapli?

COVID-19 è privlus per Vus.

Nus recumandain perquai: As laschai vaccinar.

Pertge è COVID-19 privlus per Vus?

COVID-19 po avair per Vus consequenzas gravantas u schizunt fitg gravantas. Vus pudais per exemplu avair difficultads da respirar en cas da malcostas. Sche quai capita, duvrais Vus oxigen e stuais ir a l'ospital. I po durar ditg fin che Vus essas puspè saun/a. Sch'il sintoms da COVID-19 sa peguireschan, stuais Vus vegrir tractà/tractada sin la partizun da tgira intensiva. Forsa duvrais Vus in respiratur ch'As gida da trair flad. COVID-19 po ultra da quai donnegiar er auters organs e manar a la mort.

**En cas da tge malsognas cronicas recumandain
nus ina vaccinaziun cunter COVID-19?**

Nus recumandain d'As laschar vaccinar, sche Vus avais:

- pressiun dal sang auta
- malsognas dal cor e da la circulaziun
- diabetes
- malsognas da la via respiratorica
- cancer
- malsognas e terapias che indebleschan il sistem d'immunitat
- bler surpais

Sche Vus faschais part da la gruppera da persunas cun malsognas cronicas cun la pli auta ristga:

Vossa media u Voss medi vegn ad As recumandar urgentamain la vaccinaziun il pli svelt pussaivel.

È la vaccinaziun effectiva e segira?

Mintga vaccin dovra en Svizra in'admissiun ed ina recumandaziun. Per obtegnair quellas sto el ademplir auts standards da segirezza, efficacitad e qualitat. Swissmedic, l'Institut svizzer per medis terapeutics, ha examinà minuziusamain il vaccin cunter COVID-19 ed al ha admess. Il vaccin è segir ed effectiv. Già pliras dieschmilli persunas èn vegnidas vaccinadas en il rom da studis. Il vaccin è era segir ed effectiv tar persunas cun ina vegliadetgna pli auta e cun malsognas cronicas. Ils studis mussan ch'i na dat fin ussa (stadi mez december 2020) nagins effects secundars gravants. Swissmedic surveglia era vinavant la segirezza e l'efficacitad dal vaccin.

En general vala: La ristga d'effects secundars gravants suenter ina vaccinaziun è bler pli pitschna che la ristga d'avair in grev decurs da la malsogna COVID-19.

Tgi na duess betg sa laschar vaccinar?

A questas persunas na recumandain nus betg da sa laschar vaccinar cunter COVID-19:

- Umans cun ina greva allergia confermada cunter ina cumponenta dal vaccin (surtut PEG).
- Dunnas en speranza.
Fin ussa na datti anc naginas datas areguard la vaccinaziun durant la gravidanza.
- Uffants e giuvenils sut 16 onns.
Fin ussa na datti anc naginas datas areguard la vaccinaziun en quella gruppera da vegliadetgna.

Nua chattais Vus ulteriuras infurmaziuns?

Ulteriuras infurmaziuns davart la vaccinaziun cunter COVID-19 chattais Vus sin la pagina-web da l'UFSP: www.bag-coronavirus.ch/impfung (en tudestg)
Contactai en cas da dumondas Vossa media u Voss medi u As infurmai en Vossa apoteca.

www.bag-coronavirus.ch/impfung Infoline vaccinaziun cunter COVID-19: 058 377 88 92



Schweizerische Eidgenossenschaft
Confédération suisse
Confederazione Svizzera
Confederaziun svizra

Swiss Confederation

Bundesamt für Gesundheit BAG
Office fédéral de la santé publique OFSP
Ufficio federale della sanità pubblica UFSP
Uffizi federali da sanadad publica UFSP

Rätoromanisch / romanche /
romanicu / rumantsch



ulteriuras
infurmaziuns